



順則集卷三


程正思

獨不見

山蒼茫水浩瀚迢々千里隔顏面妾心連環交  
君心轆轤轉蕭關夢斷杳難尋羅衣淚濕還如  
霰歲事復崢嶸風物增淒怨東路西路盡歸人  
朝夕望君獨不見

楊白花

楊白花風吹白如雪飛渡長江不復來江水茫



川貝集 卷三  
茫心斷絕心斷絕連臂歌鳴咽城頭日落雲滿  
天宮樹無聲叫鷓鴣

鳳逝辭吊宗萊篁墩先生

瞻彼墩兮昂、挹彼竹兮蒼、中有威鳳兮五  
色其章一鳴兮鳥喑再鳴兮道昌羗忽徂逝兮  
鷓鴣翱翔吾已矣夫兮心為孔傷墩摧竹殞兮  
山澤無光悲風吹日兮天茫茫

感遇

明珠能照夜靈犀能辟塵可有亦可無浮玩豈

足珍何如菽與粟功用切吾身上以供

君父下以立丞民

遠引人莫測卑棲人易窺嗟爾雙棲鳥結巢珠  
樹枝朝為炎海竒莫作虞網貫所以冥飛鴻不  
受弋者欺

答諭干祿

無官一身輕斯言甘如飴勢利禍之門斯言神  
於龜況乃

聖明朝台輔皆龍夔名重實難副位高功乃虧

肉食講上鷹何如野中鷄錦幃跨下駒何如山  
中麋懷哉靖節翁不為五斗糜

送方逸士太古還金華得雲字

寒溪南國彥風流邁前聞幽貞不就仕榮利輕  
塵空有如青田鶴軒然避雞群又如丹山鳳冥  
飛凌紫氛頃為月澗來樽酒敘殷勤歲晏風雪  
集時節變朝曛駕言促歸裝挂席練江濱霜柳  
不堪折凍梅猶未芬願踐重來約花徑掃春雲

短歌寄啓東

去年花時君過我金樽月照圍花坐今年花時  
我憶君空望孤飛天際雲關山萬里限南北河  
魚江鴈無消息桃花年年春復開蘭舟渺々人  
不來愁向東風情無語百舌間關花如雨

古石歌

幽人心涵太古天愛此水骨溪之漚竒姿不假  
鑿削力古色越自混沌前古心古色默相契盡  
斥荆榛發蒙翳勢疊慶雲峰更寒光照澄波月  
初霽硯嶺南迎伴崔嵬旗阜旁圍翠作堆興飛

恍在匡廬障醉卧如即平泉臺古來誰解知鑒  
賞古音中歲叩則響竒章建第聘為賓米芾端  
笏拜為丈二老之後了無聞古道寥々誰復敦  
壯君節槩二老似風流元是漱石孫我亦人間  
友石者雞峰巢棲南斗下去石十里擊節長歌古石  
篇食玉擬結千年社

過太平

片帆如鳥疾風景愛江鄉地勢連三楚天門限  
二梁津橋迎客貨鏡鼓發官航王氣浮東北遙

瞻識建康

丁丑冬作

冉冉年光暮蕭々雪意稠  
君王猶壯狩江漢自東流雲暗関山黑天寒鳥  
雀愁何當開霽景盡釋杞人憂

節推張公召校皇明文衡途次口占

村路仍溪路長亭復短亭塵隨征騎紫風颺酒  
旗青點水牽長鏡黃山疊畫屏郡城看漸近樓  
觀倚蒼冥

送唐修撰臯北上

折柳河橋別意濃，當歌對酒慶時雍。  
南州才傑馮當世，東壁清華蔡允恭。  
水足吳江春送櫂，天開魏闕曉聞鐘。

君王夜半如前席，須啓唐虞比屋封。

登率山同汪京兆仁峰循張尹大梅巖旭

飛梁矯、隔仙凡，報道山靈發秘緘。  
峽走雙龍，雷萬壑，松歸孤鶴。  
月千巖，雲房猶自留丹竈。  
天樂依稀度翠巉，我欲手杯銀漢水。  
濃書醉墨共

題街

東密巖懷古

昔人曾此掃氛妖，遺鏃苔侵鐵半消。  
巖洞依空餘故址，畊桑接壤異前朝。  
回溪激浪翻晴雪，陰壑寒松響怒潮。  
政欲磨崖頌勳烈，不堪暮鼓起僧寮。

樂府

妾心天上月，千里照郎舟。  
郎心江上水，日夜自東流。

遊仙詞

紫殿朝回日未斜，仙官傳勅賜流霞。西崑又報  
冰樵熟，召入瑤池金母家。

前郡守幸菴彭公惠曆

柴門深掩畫慵開，鳳曆遙頒自外臺。從此寒巖  
消息好，梅花枝上看春回。

白雲彌望雞峰，特出賦志奇觀

玉峰天削翠巉巖，遙出斷雲照座寒。好似洞庭  
湖上看君山，青挿白銀盤。

程慶璋

去婦詞

疆、復奔、終始宜一德，飲啄河之梁，相依戢  
左翼，將荼結巢居，風雨堪休息，顧尾尚脩、辛  
苦不遑飭，俛喙哺其雛，飛鳴猶未識，胡為太薄  
情，棄捐衰顏色，忍此生別離，中心重惻、回頭  
吊影孤，空啼向昏黑。

雞峰歌

鷄籠峰高、且孤娟、天削翠芙蓉，金雞叫起

川集  
卷三  
扶桑日鳳凰來棲岡上梧秀鍾絕代有佳人價  
重連城之璫璵胸中光芒羅星斗落筆萬里長  
風驅儼若鷄峰勢崛起卓立峻嶒挿太虛清風  
明月相周旋玄猿白鶴候起居秋桂飄空香昏  
匝春桃照洞錦模糊歲序靈華看不足良工妙  
手為繪圖客來摩挲發浩興疑上崑崙之蓬壺

癸酉書事

艱危垂老日兩淚暗長揮胥吏催官馬鄉夫着  
戰衣東西營壘列晝夜檄書飛借問干城將何

時奏凱歸

月

冰輪出海烟清輝河漢無聲列宿微何處樓臺  
橫短笛誰家砧杵擣寒衣吟餘玉露初成滴坐  
久金風漸作威十二雕欄閑徙倚驚棲烏鵲向  
南飛

程慶至

琵琶行

人聞琵琶懽且喜我聞琵琶恨不已伊昔漢宮



有佳人顏貌如花、莫比一朝辭主去和親迢  
迢嫁與羶城人寫愁強把琵琶撥胡人聽之亦  
霑巾哀怨胡笳不同調至今塚草含漢春

程慶琰

寓意

玉未經三獻丹須待九還客蹤如斷梗鄉思若  
連環歲月囊中句風霜鏡裏顏東吳久留滯回  
首愧青山

過嚴州

江接吾鄉水千峯抱郭斜郡樓菜水烏市女插  
山花商賈多收橘官租雜賦茶嚴灘千古勝我  
亦欲移家

次海州

瀕海遐荒處物情感異殊湖魚烹藿葉野飯雜  
彫胡問俗輕文字占年信覲巫故鄉頻遠望迢  
迢鴈行孤

讀張太守弼東海集

洛陽紙價遽高騰記室三都賦已成色帶烟霞

川集 卷三  
嫌白俗波翻江漢覺元輕只疑天上霓裳曲却  
洗人間蚓竅聲盟露蕃薇難釋手信知字字重  
連城

登孔望山望始皇碑

獨客羈懷未易裁遙尋孔望陟崔嵬千江水遠  
三山出萬里船從百濟來雨過洲邊龍戶集日  
升海底蜃樓開雄圖霸業那能問事々堪為累  
世哀

春日書懷寄故人

風恬日暖草芊芊百啭鶯聲似管絃楚客喚舟  
楊子渡吳姬勸酒柳花天醉中豪放非前日眼  
底交游盡老年別久不逢風月侶耽吟偏憶謝  
臨川

春日淞江

春水溶々春草齊雨晴江岸燕爭泥萍蓬轉迹  
違初志桃李連陰想故蹊自得肯為平仲御無  
成真愧樂羊妻鄉園別後音書少嶺樹關雲望  
欲低

寄沈山人

記得相尋竹下扉  
山禽驚起繞林飛  
花稍露滴胭脂顆  
濕却春風白苧衣

偶興

纔說春來春又去  
韶華冉冉成虛度  
讀書三日不下樓  
落盡殘紅千萬樹

程慶琳

有感

翻：雙老鳥生子  
巢高枝晨昏動乳  
哺鳴噪恒

相隨長愁羽毛短  
復驚羅網罹及自  
能飛啄返哺不相  
離人為萬物靈寧  
不為鳥兒親在莫  
能養親沒徒傷悲

避暑

何地堪避暑陰森  
竹樹林迴風吹散  
髮流水滌煩襟地  
僻疑秋至山高覺  
日沉玄蟬聲不斷  
宛若和幽吟

送宗兄諱齋壘千兵之京

世臣勛業煥丹青  
文武全才邁衆英  
宿衛特頒

金詔重故鄉爭觀錦衣榮詞源洵洵傾三峽猛  
氣堂堂肅萬兵此日都人瞻赴  
關願推家學致昇平

種瓜所

清世無營度歲華餘生已分作農家畝南薄有  
閑田地穀兩翻鋤學種瓜

春偕諸長少歷九折澗登鷄峰

九曲清流隔世塵鶯花不減武陵春他年圖繪  
雞峰景我是同遊第四人

程慶琬

感興

古風既已遠效者徒規：有如邯鄲行終乃匍  
匐歸卓哉杜陵老千言不少衰愛君念妻子切  
事復關時人倫與物理一本詩道推感興紫陽  
翁一理徹萬微洞啓心學源究極元化機得失  
正書史直以詩教垂二老唐宋賢豈徒工葩詞  
疇能紹風雅感此三歎歎

送方寒溪太古分韻得鳥字

明月照我床光輝何皎、芳蘭聞我室香風何  
媚、良友成嘉會歡樂殊未了忽、歲將晚駕  
言歸路杳仰看浮雲馳俯視江流渺携手重躋  
踏集送置清醪我欲彈瑤琴君言知音少慷慨  
發高歌歌竟離思悄肅、厲羽翮願為雙飛鳥

明妃曲

羶車初上辭漢宮淚痕啼破如花容君王驚見  
留不得懊恨徒勞誅畫工獵、風沙邊地苦強  
撥琵琶對胡虜夜深明月照穹廬却比長門更  
重擇中營將平虜他年收妾歸

促織歌

促織復促織秋來滿地聲唧、貧家有女意暗  
驚朝夕辛勤事紡績紡車纒下入織機千梭萬  
梭不少息手倦無力心正忙一日欲課成一疋  
擬輸賦稅償逋債庶免公私相迫急阿爺阿母  
憂稍寬為衣敢望供乃尺紅樓女兒繡羅裙惟  
愛窓前理髻雲生來不識治絲枲促織有聲聞

不聞

新渡歌

隔岸青山初轉柁，春江綠淨天上坐。  
東風細雨濕征衫，沙鳥雙飛掠舟過。  
渡頭風景年年新，往來換盡幾多人。

石田先生

周宅守歲方質父亦至

今夕知何夕，朋簪慰索居。  
博誰呼得雉，食不嘆無魚。  
春逐酒杯轉，年同燭跋除。  
乾坤皆是客，豈必限吾廬。

贈五嶽黃山人

勉之

平生少知己，此地喜逢君。  
傾蓋談春雨，登臺吊夕曛。  
大鵬從鷓笑，孤鶴在雞群。  
他日遙相憶，悠悠五嶽雲。

長信宮怨

長信秋偏冷，昭陽月最明。  
輦辭曾勸德，扇詠却傷情。  
自是蛾眉少，無如燕體輕。  
君王綦履絕，苔蘚滿階生。

和石田先生落花

強持杯酒酌殘芳黃鳥空啼蝶不狂着袖翻疑  
趙后唾揮席猶餘荀令香風前欲盡漫經眼雨  
後全無先斷腸情知繁華易消歇未宜回首怨  
東皇

春日途中

細麥風掀絲浪漫橫橋小澗路迴盤林花半落  
減春色山雨一番生晚寒啼鳥喚人乘酒熟蹇  
驢馱我作圖者明朝歸約蕭閑伴爛醉尋遊興  
未闌

雨後晚坐

溪堂過雨初明月在虛壁沉吟坐晚涼叢竹響  
餘滴

別漁沙故居

當年曾載酒船繫沙邊柳露葉啼送人西風重  
回首

歸沂新安即景

沙明水碧淨無泥三百灘盤上練溪兩岸青山  
春欲暮棟花飛竹雞啼盡

程慶琇

贈醫僧

空門桂月巔一衲不知年藥自山中採方從海上傳爲人除苦惱依佛了因緣有約雲林境西來再問禪

秋雨

閑庭涼意足片雨浥浮埃靜向池中見幽尋竹外來故催梧葉老欲放菊花開獨坐清塵想頽然付酒杯

友人有好騎驢者口號戲贈

蹇驢破帽異顛癡到處留行到處宜醉裏渾如船上坐興來偏向雪中騎風流不減黃知命圖畫難逢李伯時身世飄飄何所累莫須笑墮似希夷

程慶昇

簡荆湘諸友

舊國三年別飄蓬無定方秋風過赤壁暮雨下瀟湘對酒憑誰酌吟詩浪自狂歸心當落日淒



斷易霑裳

中秋讌集

萬籟聲俱寂娟娟月一輪  
銀河清且淺玉宇淨  
無塵涼入郊墟爽光浮  
殘筭新酣歌望不極  
達曙有遊人

旅歸

南北飄蓬四十春  
江湖到處已知津  
催歸猿鶴頻牽夢  
有待鹿峰作主人

程雲庇

贈俞竹泉

相見即相知翻嗟識面遲  
春風下榻處夜雨對  
林時偶會元無定  
重來未有期  
明朝慢分手世  
路總堪疑

夜懷

靜夜望明河  
相思入夢多  
明河徒可望  
相思不見過

程巖友

九日懷鄉

賞心空羨龍山飲樂事寧追戲馬臺  
雨後東籬花已放霜前南國鴈初來  
登高不耐風烟悄望遠偏驚節序催  
諸弟看萸應有念騰懽縱酒也停杯

過許村憶侍御公士達乃吾祖別駕府  
君忘年友也感愴口占

樓角挂斜陽行人欲解裝不堪凝睇處  
冷落繡衣坊

程慶杰

送吳大尹肅清北覲

雞唱曙光寒鳴璫列鷺班齋心端象簡  
矯首覲龍顏撫字存勤慎催科體苦艱  
虞廷嚴考績恩寵自天頒

吾愛吾廬好

吾愛吾廬好清朝隱者家不看花富貴  
惟栽竹交加挿稼期年稔觀書咀物華  
山中何所樂耕讀是生涯

程巖長

川集  
卷三  
感言

皇：聲折人馳驚若流水歌枕聽雞鳴飛車蹈  
前軌委積惟金珠被服紉與綺寧知遜世者日  
高猶未起考槃無外求簞瓢甘如旨愉：霄壤  
間萬物皆糠粃

清明感懷

春過三分二韶光重惘然空階鳴積雨遠樹起  
新烟灑飯傷今日縫衣憶昔年丘原松已拱那  
忍聽啼鵲

梅

南枝開過北枝開不受人間半點埃莫向東風  
浪分別後先俱是百花魁

程巖賜

楊白花

楊白花飄蕩杳無迹滄江烟冷春淡薄愁思茫  
茫春草碧連臂歌殘人不來紛：明月上宮掖

次京兆仁峰先生見懷韻

端居寡儔侶出門商與參古人不可見感歎徒

彌深欽惟太極翁太極別墅妙參天地心康濟有  
 遠期道大世難任浩然賦歸來感慨俗浮沉謬  
 加爨下愛復在郢中吟何由答嘉惠永調疏越  
 音

短歌送江仲明

楊花雪落送殘春柳絲風裊縮行人執手相看  
 惜不發一片離情海無津雙玉瓶中酒如注倒  
 向沙頭日欲暮長年三老莫浪催明日相望隔  
 雲樹

奉和郡守幸菴彭公澤篁墩道中詩

夾岸青山抱郭斜層樓閣護丹霞古墩翠靄  
 屯筠葉平野香風散稻花騎影翩隨使節鐘  
 聲隱出僧家風流最有歐陽老來往瑯琊興  
 未涯

情詩

桃花既天天桃葉亦秦蘭舟渺何許虛度可  
 憐春

題程桂寫魚

川集  
白質何差、玄章黯如漆溜、江水深不作過  
河泣

程慶瑩

舟行遇友人

去船五兩輕來船雙槳疾相逢解后間風波不  
暫息欲語各已遙復追情何及悵、如夢寐蓬  
窓山月入

和黃文淵見寄

山城嚴酒禁凍雨半成雪愁吟尊屢空長歌一

彈鈇寒燈獨掩扉城頭鼓初歇稜、夢不成曙  
鳥亦飛絕

夢遊黃山

湘簾風定月鈞懸鼓罷瑤琴枕易眠夢魂直逐  
雙鳧鳥翩然飛上黃山巔黃山六六凌晴昊白  
榆歷、挂巖前碧樅洞口春長在湯池九地若  
火燃軒后乘龍不可見浮丘拍我丹砂泉更拾  
瑤草試嚙嚼恍惚如逢雲中仙探竒抉幽不覺  
險玄猿白鶴相周旋憑高一嘯驚天闔下視東

南數點烟天雞忽報人間曉茫然未悟墮塵緣

苦雨

颶母翻江樹陰雲壓郡樓長鳴十日雨頓送一年秋老屋床濕孤吟字愁只應力畊者賣犢買漁舟

湖陰喜徐東湖明逸雪中過訪

客舍湖陰久無人問姓名勞君冒雨雪為我扣柴荆鷄黍他年約笠車此日盟豪吟與酣飲展轉見交情

筠谷

靡山環堵森玉作圍窓吟清到骨雲卧翠籠衣客至扉初啓茶香笋正肥更期花實日来看綵鸞飛

遊白下

南國由來古帝州禁門深鎖瑞烟浮日華初動金山曉木葉遙連采石秋裘脫也須償一醉屐携誰解作閑遊六朝舊事俱塵土惟有長江不盡流

寄王平川先生

旱氣薰人若不禁蒼生久矣望商霖更憐陽羨  
田難買漫信桃源路可尋荏苒風塵無定日淒  
涼鄉國重關心芳樽想對青山月應有懷人發  
郢吟

獨酌

歲月空流宕乾坤無定踪西樓停酒盞詩思隔  
江峯

偶興

萬里澄江渺三年老客還布帆飽風力飛過天  
門山

春日即事

孤館蕭然又晚春定巢燕子不嫌貧乾坤我亦  
東西者悞向茅簷託主人

閨情

一簾花雨晝淒淒夢覺紗窓思轉迷却恠子規  
聲自好不從嶺外向郎啼

順則集卷三

順則集卷四

程慶班

長安有狹邪行

長安有狹斜來往皆青紫相逢不相問相識不  
相視初行若無聲未頃更如市借問誰其居相  
國大學士子為少司空私直似承旨大孫虎衛  
中仲孫鳳池裏小孫愛閒遊賓客侍太子朝罷  
每俱歸隱地歌鐘起誰能靜路塵請決天河水  
結客少年場行



川集  
卷四  
結客俠少年意氣何翩、驪馬金絡轡琯弓綠  
沉弦白日娼家樓暮春屠沽筵橫行都市中雄  
聲馳四邊不言俠七首直欲奪兵權杯酒一然  
諾五嶽終弗旋赴急事可立報仇生可捐嗟哉  
急不偶滿地起戈鋌變名羞遠逝折節愧陳編  
何當歸舊丘射虎南山前

次韻黃文淵留別

北風吹岸沙黯、天欲雪故山動歸興行李束  
長鋏梅花稍慰眼坐傷芳歲歌折取贈君行感

歎成愁絕

贈別洪月波

五載客秦淮疇能開余抱月波江海士風流且  
文藻旅食傷京華侯門迹如掃常時造我廬論  
心即傾倒言別何匆匆相逢誠草、君行念故  
鄉離思非所道雪晴湖水新歸帆北風好

贈宗書記伯昭

瑤華仙人玉臺史妙齡江左稱才子前年挾策  
叫天閣供奉即留清禁裏不供官職不隨班

應制幾回多稱 旨饌出中官白鳳魚秋風却  
憶鱸魚美不覺聲名動五侯一時文士甘低頭  
長揖出門無所顧白眼望天天若愁鸞雛祇飲  
砥柱水鷲鳥由來恥在鞞天生英靈有本性區  
區羅網夫何求李白承恩中道返杜陵感事非  
真懶漫言花鳥莫深愁直使鬼神泣欲斷長吟  
儘放平生豪哀歌有時還自短門前俗鞅何相  
仍遠下胥溪豁心眼溪邊貞女識英雄金羈驥  
裏畏相逢王家山閣留看竹嚴子溪臺邀聽松  
歛然過我茅堂下談天說劍坐高春荒村短景  
未足惜斗酒難澆磊隗育

山溪得竒石希古倡詠因短述

一塊渾淪具五色疑是媧皇補天石沉淪沙礫  
五千年野老忽逢驚且惜移來不敢動六丁一  
力自衛如拱壁山亭貯以玻璃盆訶護豈無鬼  
神役細摩淨拭漸有形川嶽乍分混沌闢人物  
微茫太朴初草樹依稀見蒼碧重岡似繞赤城  
霞下帶滄波色相射丹青好手難爲工希古新

詩差可迫吁嗟石乎爾何竒竒玩於人恐成癖  
憑誰吹噓送上天天無關漏余亦得

和甫留溪客舍守歲歌同嚴仲章

今夕何夕歲云去留溪客舍留客住阿咸趨走  
意何勤總為寒冬念遲暮仲章隔屋舊相知聲  
聞即至復奚疑更從守歲作長句遂使銀燭生  
春姿人生百年重節序不樂猶教供樂具五白  
憑陵欲大呼臯盧不得翻成怒匣中長劍起將  
彈劍光閃霍人無歡終不如歌爾詩酌爾酒一

歌一曲盡一斗大醉明朝出河口

送任大陽作掾

東風放晴初斷雪寒梅欲動不堪折南亭岡下  
新酒香典却鸛裘與君別丈夫豈憂名未成青  
萍出匣鏗有聲發身誰謂輕刀筆漢室蕭曹功

第一

瀛溪

瀛溪名勝擬瀛洲烟霞縹緲連高樓：中美人  
神仙流紫霞為珮雲為裘檻前瑤草琅玕碧溪

底金沙爛星赤不待服食朱顏留朝風嘯月無  
春秋何時發興溪水起東下一日一千里到海  
真乘八月槎遊吳更泛三江水江水無風波自  
生海門潮落怒難平歸來瀛溪靜如練似向銀  
河一濯纓

送唐廉憲之浙

豸繡青真下南行斧鉞新樓船橫海日民物百  
城春樹色連吳甸潮聲動越津未須論閩外社  
稷有良臣

客中寄啓皦

千里吾何適一年春又過鶯花行路盡風浪出  
江多性懶少相識悲來還自歌山中首着好悵  
望柰君何

蘇臺晚眺次韻

一國興亡夢千年感慨情高臺啣夕照廢苑起  
秋聲抉目忠空憤顰眉孽已成向來懷古地於  
此最難平

觀獵

白馬羽林郎  
琯弓旅矢長  
追飛初過磧  
伏巧忽盤岡  
鍛血平蕪亂  
風毛野日荒  
旄頭論功賞  
明日較長楊

送何明府赴鳳陽同守

征馬翩：驛路平  
沙頭候吏隔  
州迎雲開陵樹  
參天色風颺  
淮流赴海聲  
燕寢香清餘  
政事龍興地  
重軫民情桐  
鄉千古懷遺  
愛何武真留  
去後名

送王希鳳還襄陽

白下趨庭足  
勝遊文章到  
處擅風流子  
安才重滕王  
閣杜甫詩雄  
充郡樓萍水  
一樽霄共燭  
烟花萬里曉  
行舟別離未  
盡相逢意為  
逼槐黃故國  
秋

勁草堂次韻

堂祀大司馬齊公

粉垣垂柳露  
淒：未識當時  
亦似啼風疾  
小堂餘勁草  
波頽亘古屹  
長堤此心不  
死乾坤老大  
節難磨華嶽  
低往事寂寥  
誰復語夜深  
明月照棖題

紫谿范子書至有遠行之期將欲出錢  
聞已登程矣悵然有作奉寄

盃酒無端出餞遲春風垂老更何之入秦范叔  
寒應盡斫地王郎歌尚悲短劍衝烟千里涉孤  
琴流水幾人知登樓有作鄉關遠回首能將寄  
所思

西巖

西巖夜氣清松露滴幽響棲鳥出林飛前村孤  
月上

堤柳

長堤柳色新莫折贈行人行人江北去留取江  
南春

新婚別

妾心君未知君面妾能記他日會相逢莫作秋  
胡氏

辛巳歲

浮雲靄：弄陰晴鎮國將軍大出城西獵東漁  
俱有獲非熊無夢更南征

送西蜀楊掌教之武昌

白雲紅樹映江湄  
酒盡離亭客散遲  
西止武昌鄉國近  
不須更唱渭城詞

次用揚會諸同志于許家墩見寄

許家墩下竹風涼  
阿姥壚頭花醞光  
盡日留連歡不足  
酣歌歸路月如霜

程巖憲

居興

地僻人烟少  
幽棲老樹村  
水光清入座  
山色靜

當門白鶴隨吟杖  
黃花照酒樽  
怡然忘世累  
別是一乾坤

南都

鳳出 皇都啓龍飛

聖主臨當年  
虛結綺異代  
浪埋金地控  
三山險  
江分二水深  
遙瞻 燕闕上  
南北盛冠簪

中秋飲廷琬兄宅

怡雲深處敞幽齋  
簾捲青山笑語諧  
紫桂婆娑花綴粟  
金樽激灩酒傾淮  
人情擬以中秋霽  
月

川東集  
卷四  
九  
色偏於此夜佳。怪得吟詩清絕地。冰壺裏面着  
吾儕。

春閨

搗霜玉漏夜迢迢。曙起銅鳧火未消。錦字織成  
春又晚。一簾花雨冷瀟瀟。

過箬嶺

山風瑟瑟水潺潺。路轉陰崖六月寒。四望屏風  
開九疊。飛流百丈落雲端。

程慶瑾

久雨

雲結千山暗韶華。柰爾何花多愁裏。老春半雨  
中。過江岸沒蘆葦野垣摧薜蘿。茲時須縱酒仗  
醉且狂歌。

高淳秋望

秋色渾無賴。裁詩興不窮。鳥飛殘照外。人立小  
橋東。水淨天逾碧。霜酣葉正紅。故園渺何許。極  
目送飛鴻。

避暑



正當三伏日逃熱到山庄地匝松陰重衣含竹  
吹涼過門無襪襪濯足有滄浪幽意殊為適何  
須待舉觴

春日即事

光景撩人活潑中幽尋緩步澗西東藥苗雨細  
添新綠花片風輕落小紅詩句每從閒裏得愁  
懷盡向醉邊空關啼鳥翻蝶總是東皇布  
化工

春行

花氣浮春風力軟柳陰亭午鳥聲饒聽鳥看花  
遲遊侶不知幽興墮漁樵

程巖禧

避暑用大復先生韻

五月十日炎風發雷霆轟雨不下乾坤熏蒸  
江海枯羽扇頻搖汗滿把狂叫少年想少陵煩  
渴今朝同司馬喧卑抑鬱無處逃南望碧山多  
幽雅茆堂四面擁松筠颯爾涼颼如雪灑况有  
清尊對藕花花香薦酒何逸野君不見草木如

焚日如赭黃塵擾々喧車馬得似林中隱  
遜者  
卧仙巖

仙翁何處卧飛磴碧雲邊不見燒丹竈  
空餘洗藥泉鶴巢千歲木人隔幾塵烟  
借問何年醒長生術可傳

送友人

故人江海去凝望重綢繆綠樹明官舍  
青山蔽驛樓酒吞吳泖月帆挂楚天秋  
努力期嘉會鴻音莫滯留

送方塘赴蘄府典膳

綠酒紅亭送客頻青々陌上柳條春  
鶯啼楚水王程遠花發蘄陽宦况新  
朝罷彤庭香裊篆詩成白雪語驚人  
冥鴻暫屈雲霄志展翮還看覲紫宸

訪隱者

桃源深復深不識桃源路隔水問漁人  
遙指花深處

秋閨

川集  
芙蓉露下銀塘冷桂子香生玉簾秋望斷蕭關  
無一字空傳征鴈過南樓

訪逸人

桃花開遍洞中春誰識當年此避秦風景不殊  
塵世異問津猶有捕魚人

程應蒼

月澗翁年登花甲賦此寓祝

舉世盡誇豪而邁先生何獨清而隘鷄峯端居  
斗以南儼對先生如拱拜尚有銀蟾湛澗中恍

若玉人超禪界終日趺坐更默如環帶左右皆  
金薤唾成錦繡炫晴虹猶堆書案索詩債不是  
矢口斷火烟寫出人間有聲畫想得乘鶴上蓬  
萊看破浮雲變化態

止菴

陋室真堪止浮榮久已忘竹光團戶牖苔色上  
衣裳氣爽秋容澹聲清午吹涼盛時林下逸端  
可做義皇

春日即事

久住衡門下無營盡日閑酒招鄰父飲詩共野  
僧刪地少猶栽竹窓幽更對山有情雙燕子飛  
去又飛還

次友人至日見寄

山中孤客况遙憶不勝情莫折梅花寄徒吹葭  
琯驚新詩元雅調末路但虛名何處相思切孤  
雲鳥外橫

雪

急雪遙聽已折篁寒威旋覺逼溪堂稜々布被

如冰冷烟々梅窓暎月光漫道江南開歲稔須  
憐塞北事戎行袁安閉戶甘僵卧嬾向山陰上  
小航

蘇臺晚眺

獨上高臺嘆麋鹿荒涼不盡古今情萋々草長  
啣秋色啞々烏啼怨月明弄巧譖言終不悟包  
羞降表已先成猶憐伍相祠前水日夜潺湲帶  
恨聲

白髮

玉鏡網流塵年來懶更親誰知非是懶羞見鏡中人

敗舟

飄蕩孤舟野水隈春潮帶雨沒青苔行人莫訝今無用曾涉風波海上來

早行

曉風殘月動離愁行子出門擁弊裘獨木霜橋人不過寒冰封斷一溪流

登茆山

焜煌日月流丹洞隱現樓臺鎖翠微忽聽吹簫王子晉雲中遙駕彩鸞歸

程侃

秋夜有作五仄五平體

夜永耿不寐披衣彈鳴琴遙響得古意寥々無知音皓月入綺闥懷人勞遐心颯々下木葉莎雞鳴墻陰坐久萬感集搔頭成幽吟

登吳城

有客有客瘦鶴生提携長劍登吳城吳王已遠

不可見雉堞千古猶嶄嶄夕照高臺吊往迹鹿  
占寢園烟草碧菱歌何處蕩人愁回首江空秋  
月白

東海翁草書

東海先生人中豪：氣直與廬山高白日夢破  
餘酣在呼兒覓紙供揮毫筆精書法最竒古一  
行數字大如斗山堂人靜風雨來滿壁却怪蛟  
龍走須臾雨歇風日晴又疑紙上雲烟生神妙  
不數老張旭直與造化爭機衡國朝健筆亦無  
數惟於東海稱獨步摩挲老眼入臨池倒空秋  
色涵霜樹

采石懷古

謫仙去已遠吊古一何深人事幾興廢江流無  
古今乾坤猶醉夢風月只豪吟回首峨眉晚鯨  
音出梵林

題畫

曬網斜陽坐釣磯魚羨一飽澹忘歸寧知野興  
吹蘆管驚起前灘白鷺飛

程應旭

怪石何竅：林然鬱蒼翠，汎覽得竒勝。解衣聊  
小憇，維時值清秋，涼颯左右至。草香襲遊屐，桂  
花浸酒觴。怡愉暢幽懷，雅會良不易。願言訂重  
來，冥搜此佳致。

送廷潤叔之南都

清時豈嘆別離難，酒盡砂頭興未闌。二水潮平  
吟裏度，三山雨過醉中看。孤鴻杳：秋初颯落  
木蕭：晚正寒。從此竹林懷遠道，早將消息報

平安

甲子元日

元日頻年多雨雪，今年人日半晴陰。不妨柏葉  
十分醉，且索梅花一咲吟。甲子又開新歲月，春  
風剛到舊園林。太平有象安農業，世沐

熙朝雨露恩

春溪

藹：春雲亂交：水鳥啼。桃花翻錦浪，不亞武  
陵溪。

書壁

戒飲曾無人送酒厭煩更少吏催租孤雲野鶴  
為儔侶老樹寒山即畫圖

程應鼎

卞將軍廟

燁々三朝上魏々一廟中艱危悲父子感慨詫  
英雄浩氣橫青漢精忠貫白虹維舟倚祠下薦  
藻嘯長風

順則集卷四



